



www.BibleForChildren.org

Di Mulakata



Jaji barik mulakata anak mantuariin
dinen ialalo i Adam asanna. Jaji baki'
Adam dinen mameang asan lo'a
bainyena, i Hawa asanna kole'a.


Ratina daasan i Hawa kole'a gulungan
anak mantuariin, piang
Hawa kausa yang
mangaturunangen.
lalalo iasanna i Hawa.



Jaji andian urar. Uraren dinen labi pande. Labi bayu' akala lo'a ambata gulungan inatang yang batiin bokane, yang dapolaan kole'a Alatala Yahuwe. Jaji barik manjarum uraren lo'a babainyeen dinen, "Ai de'i jaruma Alatala lo'in lo'a soal jalu kaannin?"



“Tapataka dapase'ang ikaan lo'in samuana ambata bua'en yang jalu datanamen indi'angen?” ingka kenang dinen uraren matoanina lo'a babainyeen.



"O na'an.

Pandekam angkaan.

Daparuarang kausana.

Suma sera poang yang

dapase'angen ikaan ikam, yang itanga'

tanamanen dinen. Ada'kam to' angkaan,

sedangkan manjaput, matekam. Awan

dinen paba'ina Alatala


lo'am," ingka kenang

manyautina babainyeen


dinen lo'a uraren. Jaji barik

manjarum uraren, "A, kosan


jalu mai."




"Na'ankin mate.
Kaan poang ikin.
Kenanga Alatala dinen
lo'in mainto' na'annin
angkaan. Alibak. Kole'a datamu mamin. Ti'
ikaan ikin bua' dinen, itamu ikin ratina basa
ajau'en nanna basa maamen awan bua ia.
Dinen lalo dakalibakangen,"
ingka kenang dinen
jaruma uraren lo'a
babainyeen dinen.



Jaji barik maminna kenanga dinen
jaruma uraren, andian atena babainye
dinen. Bua' dinen dabele, kadaka.
Maam di matana maam bea ikaan.
Kenang bea bua' dinen baguna pan.
Pande manyuro'
manamu
pasitimbangang
jalu ajau'en
nanna jalu
maamen.



Jaji barik bua' dinen dala barik kole'a
babainye dinen de'i, dakaan. Laloang
daunjukang dinen barik sapa dua lo'a
lakina. Barik maminna dakaan bua'
dinen kole'da' duaan na'an lagi' maam
ka'ada'anda'. Datamu barik ratina
kajau'anen, datamu
tulendanga. Jaji
mamin dinen dala
daun araan barik.
Dasusuk
datiang
kainda'.





Jaji barik Alatala

Yahuwe dinen mangalong lo'a

babakaan, "Isako?" ingka kenang mangalonga. Jaji

barik dasauti, "Indi'angak. Malamunak di antarana

akat kayuun kole'a kudalingana lamba'u. Atakutak

kole'a tulendangku'."






"Kosan kainku'," ingka kenang manyautina babakaan. Jaji barik manjarum i Yahuwe lo'a, "Intain panamuangen lo'u, manyuro' itamuna iko tulendangu?" ingka kenang. "Bua' kupase'angen lo'u, ikaan iko de'i?" ingka kenang jaruma i Yahuwe.




Jaji dasauti kole'a babaka dinen, "Kole'a babainyeen dinen yang imeangen iko di biringku'," ingka kenang. "Dinen lalo de'i yang maunjukangen lo'ku'. Kukaan barik," ingka kenang manjaruma babaka dinen lo'a i Yahuwe.



Jaji manjarum barik Alatala Yahuwe lo'a babainye dinen, "Ai ipolana iko yang kenangen?" ingka kenang dinen i Yahuwe lo'a babainye dinen. "Kenangak lalo. Urar dinen yang makalen lo'ku' manyuro' angkaan bua' dinen," ingka kenang manjaruma babainyeen lo'a i Yahuwe.





Jaji barik manjarum Alatala Yahuwe sama diri'a, "Na mantuariin di'en mamin padari sabalu' nanka'. Datamu mamin ratina basa ajau'en nanna basa maamen," ingka kenang manjarumina kalena.





Barik anak mantuariin dinen daruru dari tanaman Eden, kole'a ingka jaruma, "Ada' sampai dinen anak mantuariin manjaput bua' pangatio'en, manyuro' tio' salaun-launna," ingka kenang jaruma i Yahuwe sama diri'a.






lalalo daburona dari tanaman
Eden. Arung aparuk barik. Dari
tana'en asala, di tana'en
bua barik aparuka.







Mamin barik daburo mantuariin, andian suro'anna Alatala yang dasuro' manyagai baba' tanaman dinen bagian timur. Andian bea dinen pedang yang adale'en.





Manyala-nyala pedanga urait kalaut
mainto' na'anna dapat tauen
malaloi inang. Na'an dapat
mondok lo'a bua' pangatio'en.



Jaji barik sarilao'a baki' Adam nanna piang Hawa,
araunting barik piang Hawa laloang aranak. Jaji anaka
dinen babaka. Daasan barik anaka dinen i Kain. Kole'a
ingka manjaruma piang Hawa, "Mamin kudua'ang anak
kole'a panggulungina Alatala lo'ku',"


ingka kenang. lalalo
daasan barik
i Kain.




Jaji barik mamin dinen araunting bapi. Daparanakang
barik, babaka bapi. Anaka dinen daasan i Habel. Jaji ira
dua pariin dinen baraa. Mamin baraa, baki' Kain dinen
aruma. Jaji baki' Habel dinen manuntuani domba.




Jaji insa'-insa' launna rabarik dakapulungang daia
asela umana baki' Kainen, sapa dua dameang lo'a i
Yahuwe. Baki' Habel dinen mameang bea
lo'a i Yahuwe. Dauno' dombana yang
mulakataan daparanakangen
kole'a induna.



Ambata gulungan isina dinen yang bainyaken, dinen daunjukang lo'a i Yahuwe. Jaji barik baki' Habel nanna pameanga dinen dasialoi kole'a i Yahuwe. Poangsi baki' Kain dinen nanna pameanga, na'an dasialoi. Jaji barik arasi baki' Kain, ajau' lindo'a.




Jaji barik baki' Kain dinen sjaruman nanna arina. Dawa di kosan ateengen. Maminna mondok di kosan ateengen, damansangi dinen arina. Dauno' kole'a dinen ajau'a nyawana.



Jaji barik maminna mate arina, manjarum barik i Yahuwe, "Disa arinu?" ingka kenang manjaruma lo'a baki' Kain. Jaji barik dasauti kole'a baki' Kain, "Taua, na'an kutamu. Okan iak maruangiin lo'a," ingka kenang. Jaji baki' Kain maminna maroi lo'a i Yahuwe, lamba' barik lo'a daerah Nod. Nod dinen maro timur lo'a tanaman Eden.




Jaji barik maminna matena i Habel, araunting bapi piang Hawa kole'a baki' Adam. Jaji aranak barik dinen babakaan, i Set asanna.



Kole'a ingka jaruma piang Hawa, "Dameangak anak bapi kole'a Alatala itiang panyurang lo'a i Habel kole'a i Habel dinen dauno' kole'a i Kain," ingka kenang jaruma. lalalo dasan i Set.



Maminna barik dakatio' baki' Set dinen, baki' Adam masi batamba umura 800 taun. Dari paranakanga baki' Set dinen batamba bea babaka babainye anaka bayu'a sampai mondok lo'a matena. Jaji maminna mondok umura 930 taun, baru' mate baki' Adam.




Jaji barik i Yahuwe mamele lo'a duniaan, saja
ajau' jaji ambata basana tau di duniaan.
Samuana ambata pikiran atena,
manuju lo'a jalu ajau'en lapoang.




Jaji manjarum barik, "Gulungan anak mantuariin di'en yang kupolaan, to' kutampusi. Mainto' akausa mate yang ibona tana'en."




"Gulungan inatangen, gulungan jalu meleten,
gulungan burung mainsapen, kuduno'
samuana. Manasalak jaji kole'a
kupolana," ingka kenang jaruma
i Yahuwe.



Poangsi baki' Nuh dinen dakamanya'i kole'a i Yahuwe. Jaji barik launna tio'a baki' Nuh, talu anaka. Babaka taluna. Asanna anaka dinen i Sem, i Ham, i Yapet.



lalalo ratina matena
dinen. Kole'a baraajaji kasaanga Alatala
lo'ka' anak mantuariin, sampai Anaka
yang seseraan daparuarang mate
mainto' na'anaka' mate idukum,
mainto' dapatka' tio'
salaun-launna, yang iki'
parasaya'en lo'a.



Roma 3:23 Kole'a samuaka' sama rata mamin badosa. Na'an tuli kamaamanka', na'an sama nanna kamaamanna Alatala dinen yang paling patut ipudiin. Bajao'pi kausaka'.

Roma 6:23 Kole'a opa' dosa-an ialalo dinen kamateanen. Poangsi laan pameanga Alatala dinen yang dameang lo'ka' kenang poang kenang. Daawaki' tio' salaun-launna kole'a maminki' dapasera nanna Kristus Yesus Paraampuanka'.
Kenang ratina.

Ibrani 9:27 Jaji daiki' di'en anak mantuariin sera-seraka' arung mate sakali. Maminki' mate sakali, arungki' madap di arona Alatala. To' daurusiki'.



Epesus 2:8,9 Kole'a okan panamu diri'ka' yang manyuro' lo'ka' dakatio' dari ukum dosa-an. Yang manyuro' tio' lo'ka' kamaamanna atena Alatala. lalalo dinen pameanga Alatala yang itarima'en iki' malaloi kaparasaya'anka'. Okan dari jalu i karajaan-en iki' awan opa'ka'. Dinen pameanga Alatala yang kenang poang kenang mainto' kosan tau pandeen bagap.

Roma 10:9,10 Na'an badidit. Kole'a ati'en dari baba'ka' dinen iaku' i Yesus dinen Paraampuanka', sampai mondok lo'a ateka' parasaya'ka' kole'a Alatala mamin matio' lo'a dari matena, inang lalo manyuro' lo'ka' dakatio' barik.

Kole'a di ateka' lalo parasaya'ka', dari baba'ka' lalo mangaku'ka'. Manyuro' lo'ka' barik dianggap tau tapaten di arona Alatala, manyuro' lo'ka' dakatio' dari ukum dosa-an. Kenang ratina.



Yohanes 3:16,17 lalalo ratina matena dinen. Kole'a baraa jaji kasaanga Alatala lo'ka' anak mantuariin, sampai Anaka yang seseraan daparuarang mate mainto' na'anaka' mate idukum, mainto' dapatka' tio' salaun-launna, yang iki parasaya'en lo'a. Alatala manyuro'a lo'a Anaka lo'a duniaan di'en, na'an to' itiang maukum lo'ka', itiang patio' lo'ka', yang iki parasaya'en lo'a Anaka.

1 Yohanes 5:11-13 Jaji saksina, kenang. Ilalam jarum saksina yang darantangen nanka' dinen, daasan mamin daia mameang lo'ka' katio'an yang salaun-launnaan, dameang malaloi anaka. Jaji intain maminen mandua'ang anaka, mamin bea mandua'ang katio'an yang salaun-launnaan. Intain nampiin mandua'ang anaka, nampi bea mandua'ang katio'an salaun-launnaan. Kenang ratina. Na, jaji samuana dinen kusuratang lo'in yang maminen parasaya' lo'a asanna anaka Alatala, mainto' itamuna ikin maminnin mandua'ang katio'an yang salaun-launnaan.



Di Mulakata 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Embaloh Bible (emb) Copyright New Tribes Mission 1997

<https://live.bible.is/bible/EMBGPA/GEN/1>

©2026 Bible for Children, Inc.

www.M1914.org www.bibleforchildren.org

